

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
SLUŽBA CIVILNE ZAŠTITE

Broj: 07-05-2634/19  
Lukavac, 22.04.2019. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6.tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015.godine, na Preporuku Komisije za provođenje postupka javne nabavke broj: 07-05-2634/19 od 17.04.2019. godine u otvorenom postupku javne nabavke usluga za izradu glavnog projekta uređenja korita rijeke Turije Pomoćnik općinskog načelnika za Službu civilne zaštite d o n o s i

**ODLUKU**  
**o izboru najpovoljnijeg ponuđača**

**Član 1.**

Prihvata se preporuka Komisije za provođenje postupka javne nabavke broj: 07-05-2634/19 od 17.04.2019. godine i ugovor dodjeljuje se ponuđaču "INPROS" d.o.o. Mostar ponuda broj: 197/19 od 10.04.2019. godine, za ponuđenu cijenu u vrijednosti od 8.845,00 KM bez PDV-a, kao najpovoljnijem ponuđaču.

**Član 2.**

Izabrani ponuđač "INPROS" d.o.o. Mostar dužan je nakon prijema odluke o izboru dostaviti u roku od 7 (sedam) dana originale ili ovjerene kopije dokaza o ispunjavanju uslova iz člana 45.stav (2) tačka od a) do d) Zakona o javnim nabavkama BiH, navedene u tački 12.2. od a) do d) i originale ili ovjerene kopije dokaza traženih tačkom 13.2.5. tenderske dokumentacije broj: 07-05-2634/19.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor za javnu nabavku dodijelit će se drugorangiranom ponuđaču.

Ponuđač "INPROS" d.o.o. Mostar je dužan prije potpisivanja ugovora, tj. u zakonskom roku predviđenom za potpisivanje ugovora, posjedovati ovlaštenje za složene vodne objekte ili aktivnosti tj. biti **registrovan na listi „A“ pravnih lica kojima su izdata** ovlaštenja za složene vodne objekte ili aktivnosti, koju utvrđuje Federalno ministarstvo poljoprivrede, vodoprivrede i šumarstva. Ovlaštenje se dostavlja kao kod nadležnog organa (sud, notar ili organ uprave nadležan za ovjeru potpisa) ovjerena kopija.

Ukoliko ne osigura navedeno ovlaštenje, smatraće se da je odustao od potpisivanja ugovora i ugovor će se dodijeliti ponuđaču čija je ponuda na rang listi odmah iza ponude izabranog ponuđača u skladu sa tačkom 29. tenderske dokumentacije broj: 07-05-2634/19.

**Član 3.**

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

**Član 4.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.



## Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 07-02-1-2633/19 od 21.03.2019. godine. Javna nabavka sprovedena je otvorenim postupkom nabavke. Procijenjena vrijednost javne nabavke bez PDV-a je 15.500,00 KM.

Obavještenje o nabavci broj: 719-1-2-21-3-39/19 objavljeno je na Portalu javnih nabavki dana 22.03.2019. godine.

Komisija za provođenje postupka nabavke imenovana Rješenjem broj: 02-05-2745/19 od 25.03.2019. godine dostavila je ugovornom organu-Pomoćniku općinskog načelnika za Službu civilne zaštite Zapisnik o pregledu i ocjeni ponuda broj: 07-05-2634/19 od 17.04.2019. godine, Preporuku o izboru najpovoljnijeg ponuđača broj: 07-05-2634/19 od 17.04.2019. godine i Izvještaj o radu broj: 07-05-2634/19 od 17.04.2019. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene četiri ponude;
- da su blagovremeno primljene četiri ponude;
- da nije bilo neblagovremeno primljenih ponuda;
- da su ponude svih ponuđača kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 15.500,00 KM i da je kriterij za dodjelu ugovora ekonomski najpovoljnija ponuda sa podkriterijima cijena 90% i rok plaćanja 10%.

Ponuđač "INPROS" d.o.o. Mostar dostavio je prihvatljivu ponudu sa cijenom od 8.845,00 KM bez PDV-a i rokom plaćanja 60 dana koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



PO OVLAŠTENJU OPĆINSKOG NAČELNIKA  
(ovlaštenje broj: 02-05-1052/19 od 29.01.2019.)

Sejfo Halimović

**Dostaviti:**

1. IBIS d.o.o Zavidovići
2. IPSA INSTITUT d.o.o. Sarajevo
3. "INPROS" d.o.o Mostar
4. JP "SPREČA" D.D. Tuzla i
5. Arhivi.-